



Sumáriu:

Atividade monitorizasaun JSMP durante fulan Setembru iha Tribunál Distritál Sira inklui tribunál movei

I. Introdusaun

Programa Monitorizasaun ba Sistema Judisiáriu (JSMP) nu'udar organizasaun sosiedade sivil ida ne'ebé ho nia vizaun atu harii no promove sosiedade demokrátika ida-ne'ebé garante justisa no direitu umanu ba ema hotu liuhusi observasaun regulár iha tribunál sira no Parlamentu Nasionál inklui hala'o atividade edukasaun sívika, advokasia ba asuntu relevante sira no mós apoiu vítima Violénsia Bazeia ba Jéneru (VBJ).

Iha fulan Setembru 2020, JSMP continua halo monitorizasaun ba iha tribunál distritál sira inklui halo monitorizasaun ba kazu sira ne'ebé mak julga liuhusi tribunál móvel iha Munisípiu Bobonaro no Munisípiu Ermera.

II. Atividade sira

1. Monitorizasaun iha Tribunál Sira

Monitorizasaun iha tribunál sira hanesan atividade prinsipál JSMP nian ne'ebé hala'o ho regularmente. Durante períodu Setembru ne'e, JSMP konsege monitoriza kazu hamutuk 90 (krime 89 no sivil 1) iha Tribunál Distritál Dili, Suai, Baukau no Oekusi.. Totál kazu 90 ne'e la representa totál kazu ne'ebé tribunál sira julga. Husi totál kazu ne'ebé JSMP monitoriza ne'e, kazu ho natureza violénsia doméstika no kazu violasaun seksuál nia númeru as liu kompara ho kazu sira seluk.



Detallu kazu tuir juridisaun no tipu kazu, bele haree iha tabela tuir mai.

Tabela 1: Tipu kazu no totál kazu husi kada juridisaun tribunál durante Setembru 2020

Juridisaun	Totál	Tipu kazu					
		VD	VS	Korrupsaun	Droga	Sivil	Seluk

Dili	36	15	8	3	2	1	7
Baukau	16	13	1	0	0	0	2
Suai	25	12	5	0	0	0	8
Oekusi	13	10	0	0	0	0	3
Totál	90	50	14	3	2	1	20

Grafiku 1: Tipu kazu no totál kazu durante Setembru 2020



2. Tribunál Movel

Programa tribunál movel nu'udar meu alternativa ida atu hakbesik justisa ba povu. JSMP konsidera meu ida-ne'e nu'udar aproximasaun kreativu ida-ne'ebé refleta situasaun atuál tanba tribunál sira konsentra deit iha munisípiu haat iha teritóriu laran tomak. Nune'e, liuhusi programa ne'e comunidade sira ne'ebé hela dook bele asesu ba justisa formal ne'ebé dala barak defisil no karun.

Iha fulan Setembru 2020, JSMP mós hala'o monitorizasaun ba kazu sira ne'ebé julga liuhusi tribunál movel iha Munisípiu Bobonaro (kobre husi Tribunál Distritál Suai) no Munisípiu Ermera (kobre husi Tribunál Distritál Dili). Totál kazu ne'ebé JSMP konsege monitoriza iha Munisípiu rua ne'e hamutuk 20. Totál kazu 20 ne'e inklui ona iha totál kazu 90 ne'ebé JSMP monitoriza iha tribunál sira.

Kazu sira ne'ebé julga iha tribunál móvel kazu balun sei iha prosesu laran ka kazu kontinuasaun ne'ebé julga ona iha edifísiu tribunál sira, kazu foun balun tribunál foti kedas desizaun iha tribunál móvel refere no kazu foun balun julga duni maibé nia kontinuasaun julga fali iha edifísiu permanente tribunál distritál tuir ida-idak nia juridisaun.

Tabela ; Totál kazu sira ne'ebé julga iha tribunál móvel iha fulan Setembru 2020

Juridisaun	Númeru
Dili (Ermera)	13
Baukau	0
Suai (Bobonaro)	7
Oekusi	0
Totál	20

3. Asisténsia Legál ba Vítima

Aleinde halo monitorizasaun iha tribunál distritál sira, JSMP mós halo akompañamentu ka apoiu ba vítima fetu no labarik husi krime violénsia bazeia ba jéneru iha Distritu Dili, Ermera no Bobonaro. Iha período Setembru nia laran, JSMP la simu kazu ruma tantu referál ka kazu ne'ebé direktamente mai hatu'o iha JSMP.

III. Konkluziun no Rekomendasaun

Durante fulan Setembru 2020, JSMP monitoriza kazu hamutuk 90 (krime 89 no sivíl 1). Total kazu 90 ne'e inklui ho kazu sira ne'ebé julga iha tribunál móvel. Husi total kazu 90 ne'e, aas liu mak krime ho natureza violénsia doméstika no violénsia seksuál ne'ebé maioria akontese ba iha feto no labarik. Feto no labarik kontinua vulneravel, tanba ne'e, JSMP kontinua husu ba entidade sira hotu hanesan Governu, setór justisa, Parlamentu Nasionál, etór privadu, relijiozu, sosiedade tomak inklui mídia atu serbisu hamutuk kontinua luta hodi prevene, hapara no halo-lakon krime violénsia doméstika no violénsia seksuál iha ita nia nasaun.